

洪範政鑒

八

洪範政鑒

八之上
八之下

洪範政鑒卷第八之上

金行下

詩妖

晉獻公時童謠曰丙子之晨龍尾伏辰初服
振振取號之旂鷄之賁賁天策焯焯火中成
軍號公其奔時號為小國介夏陽之阮怙虞
國之助充衡於晉有炕陽之節失臣下之心
晉獻伐之問於卜偃偃以童謠對曰克之十
月朔丙子旦日在尾月在策鷄火中必此時

也冬十二月丙子晉師滅號

杜預曰周十二月夏十月也言

天者以夏正

惠公時童謠曰恭太子更葬兮後十四年晉
亦不昌昌乃在其兄時惠公賴秦力得立立
而背秦內殺二大夫里克國人不說更葬其
兄恭太子申生而不恭故詩妖作後與秦戰
為秦所獲立十四年而死晉人絕之更立其
兄重耳是為文公

魯文公時童謠鸚之鵠之公出辱之鸚鵠之



羽公在外野往饋之馬鸚鵡跣跣公在乾侯

杜預曰乾侯在魏郡求寨與襦鸚鵡之巢遠哉

摇摇凋甫喪勞宋甫以驕杜預曰甫者男子

宋甫也昭公名裊欲去季氏不遂而出故曰

喪勞定公名宋無德於下坐致君位故曰以

鸚鵡鸚鵡往歌來哭杜預曰昭公生時至

昭公時鸚鵡來巢公攻季氏敗出奔齊居外

次乾侯八年死于外歸葬魯

漢元帝時童謠曰井水溢滅竈煙灌玉堂流

金門及成帝建始二年三月北宮中井泉稍

上溢出南流井水陰也竈煙陽也玉堂金門

至尊之居象陰盛滅陽竊有宮室之應王莽

生於元帝初元四年至成帝封侯輔政因篡

位成帝時童謠曰燕燕尾涎涎顏師古曰涎

張公子時相見木門倉琅根燕飛來啄皇孫

皇孫死燕啄矢時帝為微行常與張放俱稱

富平侯家人過河陽主作樂見舞者趙飛燕

幸之故曰燕燕尾涎涎張公子謂富平侯也

木門倉琅根謂宮門銅錢顏師古曰門之鋪

首及銅錢也銅色

青故曰倉琅鋪首將尊貴也。後遂立為后。賊害後宮皇子，卒皆伏辜。即燕飛來啄皇孫，皇孫死，燕啄矢之應。

又謠曰：邪徑敗良田，讒口亂善人。桂樹華不實，黃爵巢其顛。故為人所羨，今為人所憐。桂赤色，漢家象華不實，無繼嗣也。王莽自謂黃象，黃爵巢其顛也。王莽末，天水童謠曰：出吳門，望緹羣，見一蹇人，言欲上天，今天可上地。上安得民？時隗囂初起兵於天水，欲為天子。

遂破滅

囂少病蹇，吳門，冀郭門名也。緹羣，山名也。

更始時，南陽童謠曰：諧不諧，在赤眉，得不得，在河北。時更始在長安，世祖為大司馬，平定河北。更始大臣並僭專權，故詩妖作也。後更始為赤眉所殺，是更始之不諧在赤眉也。光武建武六年，蜀童謠曰：黃牛白腹，五銖當復。時公孫述僭號於蜀，時人竊言王莽稱黃，述欲繼之，故稱白。五銖，漢家貨，明當復也。述遂誅滅。

順帝末。京都童謠曰。直如弦。死道邊。曲如鉤。反封侯。案順質之際。梁冀貪樹。䟽幼。專國號。令以贍其私。太尉李固。以清河王雅性聰明。加又屬親。立長冀。建白太后。策免固。召蠡。吾侯。遂嗣位。幽固于獄。暴尸道路。返封太尉。胡廣。司徒趙戒。司空素。湯鄉亭侯之應。

桓帝初。童謠曰。小麥青青大麥枯。誰當獲者。婦與姑。丈人何在。西擊胡。吏買馬。君具車。請為諸君鼓隴胡。案元嘉中。涼州諸羗俱叛。入

蜀。抄三輔。并冀大為民害。命將出眾。每戰常負。中國益發甲卒。麥多委棄。但有婦女獲刈。吏買馬。君具車者。言調發重。及有秩者。請為諸君鼓隴胡者。不敢公言。私咽語。

又童謠曰。城上烏尾畢逋。公為吏。子為徒。一徒死。百乘車。車班班。入河間。河間姪女工數錢。以錢為室。金為堂。石上慊慊春黃梁。梁下有挂鼓。我欲擊之。丞卿怒。案此皆為政貪也。城上烏尾畢逋者。處高利獨食。不與下共。謂

人主多聚斂也。公為吏子為徒者言蠻夷將

畔。父為軍吏子為卒。徒擊之一徒死百乘車

者言前一人往討胡既死矣後又遣百乘車

往。劉昭曰一徒斥桓帝帝貴任左右參委機

政有同因徒之長故言寄一徒也且又弟

則廢黜身無嗣魁然單獨非一而何百乘車

者乃國之君解犢後召正膺斯數繼以班班

尤得車班班入河間者言上將棄世乘輿班

以類入河間迎靈帝也。河間姁女工數錢以錢

為室金為堂者靈帝既立其母永樂太后好

聚金為堂也。石上慊慊春黃梁者言永樂雖

積金錢慊慊常苦不足使人春黃梁而食之

梁下有挂鼓我欲擊之丞卿怒者言永樂主

教靈帝使賣官受錢所祿非其人天下忠篤

之士怨望欲擊鼓求見丞卿主鼓者亦復諂

順怒止我也。

又童謠曰游平賣印自有平不避豪賢及大

姓案延熹末鄧后以譴自殺乃以竇貴人代

之其父名武字游平拜城門校尉及后攝政

為大將軍與陳蕃合心勦力印綬所加咸得

其人豪賢大姓皆絕望矣

又童謠曰茅田一項中有井四方纖纖不可
整嚼復嚼今年尚可後年饒案易拔茅茹以
其彙征吉茅喻羣賢也井者法也時中常侍
管霸憎疾英哲與劉囂許詠唐珍等代作脣
齒河內牢川詣闕上書云汝潁南陽止采虛
譽專作威福甘陵有南北二部三輔尤甚由
是傳考黃門北寺始見廢閣茅田一項者言
羣賢多也中有井者言雖阨窮不失法度也

四方纖纖不可整者言姦慝大熾不可整理
嚼復嚼者京都飲酒相彊辭也言食肉者鄙
不恤王政徒耽宴飲歌呼而已今年尚可者
言但禁錮也後年饒者陳竇被誅天下大壞也
又童謠曰白蓋小車何延延河間來合諧河
間來合諧案解犢亭屬饒陽河間縣無何桓
帝晏駕使者與解犢侯即靈帝皆白蓋車從
河間來延延衆貌時劉儵建議立靈帝以儵
為侍中侯覽畏其親近必當問己乃拜儵秦

山太守令司隸迫殺之朝廷思其功效拔其弟郤司徒此為合諧也

靈帝末京都童謡曰侯非侯王非王千乘萬騎上北苾案中平六年史侯登躡至尊獻帝

未有爵號為中常侍段珪等所執百官皆隨

其後到河上乃得還此即非侯非王上北苾

者也又京師謡歌咸言河臘叢進獻帝臘日

生也風俗通曰烏臘烏臘案董卓滔天

虛民窮凶極惡關東舉兵欲誅轉相顧望莫肯先進處處停兵數十萬若烏臘蟲相隨橫取之矣

中平中京都歌曰承樂世董逃遊四郭董逃

蒙天恩董逃帶金紫董逃行謝恩董逃整車

騎董逃垂欲發董逃與中辭董逃出西門董

逃望京城董逃日夜絕董逃心摧傷董逃案

董謂董卓也言雖跋扈縱其殘暴終歸逃竄

至於滅族劉昭曰卓以董逃之歌主為己發

隳壞賞刑失中毀譽無驗名後生放聲者為

時人識者云舊曰世人次曰俗人今更曰時

無幾天下大壞獻帝初京都童謡曰千里草何青青十日卜

不得生案千里草為董十日卜為卓凡別字
之體皆從上起左右離合無有從下發端者
也今二字如此天意若曰卓自下摩上以臣
陵君青青暴盛貌不得生者亦旋破亡童時又
曰燕南垂趙北際中央不合大如礪唯有此
中可避世公孫瓚以為易地當之遂徙鎮焉
乃修城積穀待天下之變後袁紹攻瓚大敗
縊其妻子自焚紹兵趣斬之初瓚破黃巾殺
劉虞乘勝南下侵據齊地雄威大振而不能
開廓遠圖欲以堅城觀時坐聽圍戮斯亦不自
易地而
去世也

建安初荆州童謡曰八九年間始欲衰至十

三年無子遺自中興以來荆州無破亂及劉

當始衰者謂劉表妻當死諸將並零落十三

年無子遺者言表又當死民當移詣冀州也

魏明帝太和中京師歌兜鈴曹子其唱曰奈

汝曹何此詩妖也其後曹爽誅曹氏遂廢

景初初童謡曰阿公阿公駕馬車不意阿公

東渡河阿公來還當奈何及司馬宣王遼東

歸會帝疾急召之乃乘追鋒車東渡河如謡言

齊王嘉平中謡曰白馬素羈西南馳其誰乘

者朱虎騎朱虎者楚王小字王凌令狐愚聞

此謠謀立彪事發凌誅彪死

吳孫亮初童謠曰吁汝恪何若若蘆葦單衣
篋鉤絡於何相求常子閣常子閣者反語石
子堯也鉤絡絢帶也及恪死果以葦裏篋束
投之石子堯時公安又有白鼉鳴童謠曰白
鼉鳴龜背平南郡城中可長生守死不去義
無成南郡城可長生者有急易以逃也明年
諸葛恪敗弟融鎮公安亦見襲融刮金印龜
服而死鼉有鱗介甲兵之象又白祥也

孫休永安二年將守質子羣聚嬉戲有異小
兒忽來言曰三公鋤司馬如又曰我非人熒
惑星言畢上升仰視若曳一匹練有頃没干
寶曰後四年蜀亡六年魏廢二十一年吳平
於是九服歸晉孫皓遣使者祭石印山下妖
祠使者因以丹書巖曰楚九州渚吳九州都
揚州士作天子四世治太平皓聞之意益張
曰從大皇帝至朕四世太平之主非朕復誰
恣虐踰甚尋以降亡近詩妖也

天紀中童謠曰阿童復阿童銜刀游渡江不
畏岸上獸但畏水中龍武帝聞之加王濬龍
驤將軍及征吳江西衆軍無過者濬先定秣陵
晉武帝太康三年平吳後江南童謠曰局縮
肉數橫目中國當敗吳當復又曰宮門柱且
莫朽吳當復在三十年後又曰雞鳴不拊翼
吳復不用力于時吳人皆謂在孫氏子孫故
竊發爲亂者相繼案橫目者四字自吳亡至
元帝興於江東皆如謠言元帝懦而少斷局
縮肉者有所斥也

太康末京洛爲折楊柳歌其曲始有兵革苦
辛之辭終以擒獲斬截之事是時三楊貴盛
而被族滅楊后廢黜幽死折楊之應也
惠帝永熙中河內溫縣有人如狂造書曰光
光文長大戟爲牆毒藥雖行戟還自傷又曰
兩火沒地哀哉秋蘭歸形街郵終爲人歎及
楊駿居內府以戟爲衛死時又爲戟所害楊
后被廢賈后絕其膳八日而卒葬街郵亭北

百姓哀之也。武帝諱炎，兩火也。蘭揚后字。又時

有童謠曰：二月末，三月初，荆筆揚板，行詔書。宮中大馬，幾作驢。此時，楊駿專權，楚王用事。故言荆筆、楊板，二人不誅，則君臣禮悖。故云幾作驢也。

元康中，京洛童謠曰：南風起，吹白沙，遙望魯國何嵯峨。千歲髑髏生齒牙。又曰：城東馬子莫隴叟，比至來年纏汝髮。南風賈后字，白晉行也。沙門太子小名魯賈謚國也。言賈后將與謚為亂，以危太子。而趙王因釁，咀嚼豪賢，以成篡奪，不得其死之應。

又元康中，天下商農通著大鄣日。時童謠曰：

屠蘇鄣日覆兩耳，當見瞎兒作天子。及趙王

倫篡位，其目實眇。倫既篡洛中謠曰：獸從北來，阜頭汗龍從南來，登城

看水從西來，河灌灌數月而齊王成都河間義兵同會誅倫，案成都西藩在鄴，故曰獸從北來。齊東藩在許，故曰龍從南來。河間西來，齊留輔政，居于官西。又有無君心，故言登城看也。

太安中，童謠曰：五馬游渡江，一馬化為龍。後

中原大亂，宗藩多絕。唯琅邪汝南、西陽、南頓、

彭城同至江東。元帝嗣統，司馬越還洛。童謠

曰洛中大鼠長尺二若不早去大狗至及苟
晞將破汲桑

又謠曰元超兄弟大落度上桑打椹為苟作
由是越惡晞奪其兗州隙難遂構

愍帝初童謠曰天子何在豆田中至建興四
年帝降劉曜在城東豆田壁中

建興中江南謠曰司如白坑破合集持作甌
揚州破換敗吳興覆甌甌案白者晉行坑器
有口屬瓮瓦瓮質剛亦金之類司如白坑破

者言二都傾覆王室大壞也合集持作甌者
元帝鳩集遺餘以主社稷未能剋復中原但
偏王江南故其諭小及石頭之事六軍大潰
兵人抄掠京邑其後三年錢鳳復攻京邑阻
水而守相持月餘日焚燒城邑井堙木刊鳳
敗退沈充將其黨還吳興官軍踵之蹈藉郡
縣充父子授首黨與誅者以百數所謂揚州
破換敗吳興覆甌甌甌瓦器又小於甌也
明帝太寧初童謠曰惻惻力力放馬山側大

馬死小馬餓高山摧石自破及明帝晏駕成
帝幼為蘇峻所逼遷于石頭御膳不足此大
馬死小馬餓也高山峻也又言峻尋死石峻
弟蘇石也峻死後石據石頭尋為諸公所破
復是摧山石破之應也

成帝末童謠曰噉噉何隆隆駕車入梓宮少
日帝晏駕

咸康二年十二月河北謠云麥入土殺石虎
後如謠言

庾亮初鎮武昌出至石頭百姓於岸上歌曰
庾公上武昌翩翩如飛鳥庾公還揚州白馬
牽旒旒又曰庾公初上時翩翩如飛鳥庾公
還揚州白馬牽流蘇後連召不入及薨喪還
都葬皆如謠言

穆帝升平中童兒輩忽歌於道曰阿子聞曲
終輒云阿子汝聞不無幾而帝晏駕太后哭
曰阿子汝聞不

升平末民間忽作廉歌扈謙曰廉者臨也歌

云白門廉宮庭廉內外悉臨國家其大諱乎
少時穆帝晏駕

哀帝隆和初童謠曰升平不滿斗隆和那得
久桓公入石頭陛下徒跣走朝廷聞而惡之
改年興寧人復歌曰雖復改興寧亦復無聊
生哀帝尋晏駕升平五年穆帝上仙不滿斗
升平不至十年也

海西公太和中百姓歌曰青青御路楊白馬
紫遊韁汝非皇太子那得甘露漿識者曰白
者金行馬者國族紫色奪正明以紫間朱也
海西公尋廢其三子並非海西公子縊以馬
韁死之明日南方獻甘露

太和末童謠云犁牛耕御路白門種小麥及
海西被廢百姓耕其門以種麥遂如謠言
海西公初生皇子百姓歌云鳳皇生一雛天
下莫不喜本言是馬駒今定成龍子其歌甚
美其旨甚微海西公不男使左右向龍與內
侍接生子以爲己子

桓石民為荊州鎮上明。百姓歌曰：黃曇子，曲中又曰：黃曇英。揚州大佛來上明，項之而桓石民死。王忱為荊州，黃曇子乃是王忱字也。忱小字佛大，是大佛來上明也。孝武太元末，京口謠曰：黃雌雞，莫作雄父啼。一旦去毛衣，衣被拉颯，栖尋而王恭起兵，誅王國寶，為劉牢之所敗。

會稽王道子於東府造土山，名曰靈秀山。無幾而孫恩作亂，再踐會稽。會稽道子所封靈

秀恩字

庾楷鎮歷陽，百姓歌曰：重羅黎，重羅黎。使君南上無還時，後楷南奔為桓靈寶所誅。

商仲堪在荊州，童謠曰：芒籠目，繩縛腹。商當敗，桓當復。未幾，仲堪敗，桓靈寶有荊州。

王恭鎮京口，舉兵誅王國寶。百姓謠云：昔年食白飯，今年食麥麩。天公誅謫汝，教汝捨嚨喉。嚨喉喝復喝，京口敗復敗。識者曰：昔年食白飯，得志也。今年食麥麩，麩麤穢，其精已去。

明將敗也。天公將加譴謫而誅之。捻嚨喉氣不通。死之祥。敗復敗。丁寧之辭。恭尋死。京都又大行欬疾。而喉並喝。

王恭在京口。百姓間忽云。黃頭小兒欲作賊。阿公在城下。指縛得。又云。黃頭小人欲作亂。賴得金刀作蕃扞。黃字上。恭字頭也。小人恭字下也。尋如謠言。

安帝隆安中。百姓忽作懊懷歌。其曲曰。草生可攬結。女兒可攬擷。尋而桓靈寶篡位。義旗以三月二日。埽定京都。誅之。靈寶宮女及逆黨家子女。悉爲軍賞。東及甌越。北流淮泗。皆有所獲。故言時則草可結。事則女可擷。靈寶既篡。又童謠曰。草生及馬腹。烏啄靈寶目。及敗走至江陵。時正五月。就誅。如其期焉。

桓靈寶時。民謠云。征鍾落地。桓迸走。征鍾至穢之服。桓四體之下。稱靈寶自下居上。猶征鍾之廁歌謠。下體之詠。民口而云落地墜地。迸走之言也。

司馬元顯時謠云當有十一口當為兵所傷木
巨當北度走入浩浩鄉又云金刀既以剋疊疊
金城中云是襄陽道人竺曇林所作孟顛曰
十一口者玄字象也木巨桓氏當悉走入關
洛故云浩浩鄉也金刀劉也唱義諸公多姓劉疊
疊美盛貌靈寶得志童謠曰長干巷巷長干今
年殺郎君明年斬諸桓及靈寶走而諸桓悉誅
郎君元顯也

義熙初童謠曰官家養蘆化成荻蘆生不止自
成積其時官養蘆龍寵以金紫奉以名州養之
極也而龍舉兵內伐遂成讎敵及蘆龍之敗斬
伐其黨猶如草木以成積也蘆龍據廣州人謠
曰蘆生漫漫盡天半後據上流數州之地內逼
京輦應天半之言三年小兒相逢於道輒舉其
兩手曰蘆健健次曰鬪嘆鬪嘆末曰翁年老
翁年老當時莫知所謂其後蘆龍內逼舟艦
蓋川健健也既至查浦屢剋期欲與官鬪亦
鬪嘆之應時復有謠曰蘆橙橙逐水流東風

忽如起。那得入石頭。盧龍果敗。不得入石頭也。
符堅初童謠曰。阿堅連牽三十年。後若欲敗。
時當在江湖邊。及堅在位。凡三十年。敗於淝。
水是其應也。又謠云。河水清。復清。符詔死。新。
城。及堅爲姚萇所殺。死於新城。復謠云。魚羊。
田斗當滅秦。識者以爲魚羊。鮮也。田斗。卑也。
堅自號秦。言滅之者。鮮卑也。羣臣諫堅。盡誅。
鮮卑。堅不從。及淮南敗。還。初爲慕容沖所攻。
又爲姚萇所殺。身死國滅。

宋秦始末。江南始傳種。消梨。爭欲種植。識者。
曰。當有姓蕭而來者。十餘年。齊受禪。

元徽中。童謠曰。襄陽白銅蹄。郎殺荊州兒。後。
沈攸反。雍州張恭兒。襲江陵。殺攸之子元琰。
齊武帝永明元年。元日。有小人發白虎樽。既。
醉。與筆札。不知所道。直云。憶高帝。勅原其罪。
與青溪舊宮。時人反之。曰。舊宮者。窮廡也。後。
帝晏駕。宮人出居之。

永明初。百姓歌白馬向城啼。欲得城邊草。後。

句間云陶郎來白者金色馬者兵事三年賊唐寓之起言唐來勞也

武帝起禪靈寺成或曰禪者授也靈非美名所授必不得其人後太孫立見廢

永明中宮內坐起御食之外皆為客食武帝以客非家人名改呼為別食時人以為分別之象少時帝晏駕

文惠太子在東宮作兩頭纖纖詩後句云磊磊落落玉山崩自此王相薨祖二宮晏駕文惠又作七言後句輒云愁和諦後果和帝禪位永明中虜中謠云黑水流北赤火入齊尋而京師人家忽生火赤於常火熱小微貴賤爭取治病至有灸癭者數日差鄰人曰病偶自差豈火能為此人便覺頤間癢明日癭還如故後梁果以火德興

文惠太子起東田時反語云後必有癩童果至太孫失位

齊宋以來民間語云擾擾建武上及明帝誅

害蕃戚京師危駭

東昏侯永元元年。謠曰。洋洋千里流。萋萋東城頭。烏馬烏皮袴。三更相告訴。脚踏不得起。誤殺老姥子。千里流者。江祐也。東城。遙光也。遙光夜舉事。垣歷生著烏皮袴。褶奔之。跛脚亦遙光老姥子孝字之象。徐孝嗣也。

又謠云。野豬雖嗚嗚。馬子空問渠。不知龍與虎。飲食江南墟。七九六十三。廣莫人無餘。烏集傳舍頭。合汝得寬休。但看三八後。摧折景

陽樓。識者解云。陳顯達屬豬。崔慧景屬馬。非也。東昏侯屬豬。馬子未詳。梁王屬龍。蕭穎胄屬虎。崔惠景攻臺頓廣莫門。時年六十三。烏集傳舍。即所謂瞻烏爰止。于誰之屋。三八二十四。起建元。元元年中。興二年。二十四年也。摧折景陽樓。亦高臺傾之意也。言天下將去。乃得休息。齊宋際民間語云。和起言以和顏而為變起。後和帝立。

崔惠景圍臺城。有五色幡。飛翔在雲中。半日

不見衆皆驚曰。幡事尋當翻覆也。數日惠景敗。梁武帝天監三年六月八日。帝講於重雲殿。沙門誌公忽起。僂歌樂。須臾悲泣。賦詩曰。樂哉三十餘。悲哉五十裏。但看八十三。子地祇災起。佞臣作欺妄。賊臣滅君子。若不信吾語。龍時候賊起。且至馬中間。銜悲不見喜。梁自天監至大同三十餘年。江表無事。至太清二年。臺城陷。帝享國四十八年。是五十裏也。太清元年八月十三。而侯景自垂瓠來降。在丹

楊之北子地。帝惑朱异言。納景。景之亂始自戊辰歲。至午年。帝以憂没。十年四月八日。誌公於大會中作詩曰。兀尾狗子始著狂。欲死不死。鬻人傷。須臾之間。自滅亡。患在汝陰。死三湘。橫尸一旦無人藏。侯景小字狗子。初自垂瓠來降。則古汝南也。巴陵南有地名三湘。即景奔敗之所。

天監中。茅山隱士陶洪景爲詩曰。夷甫任散誕。平叔坐談空。不言昭陽殿。忽作單于宮。及

大同季公卿唯以談虛爲務侯景作亂居昭陽殿

大同中童謠曰青絲白馬壽陽來其後侯景破丹陽乘馬以青絲爲羈勒

陳高祖初童謠曰黃班青驄馬發自壽陽溪來時冬氣未去日春風始其後後主果爲韓擒虎所敗是黃班也建康破復乘青驄馬往反時節皆相應

後主時江南盛歌王獻之桃葉詞曰桃葉復桃葉度江不用楫但度無所苦我自迎接汝

及隋伐陳始置營桃葉山下韓擒虎度江大將任蠻奴至新林以導北軍之應

後主造齊雲觀國人歌曰齊雲觀寇來無際畔功未畢爲隋師所虜

祥明初作新歌詞甚哀怨令後宮美人習而歌之曰玉樹後庭花花開不復久時人以歌讖不久之兆

後齊神武始移都鄴有童謠云可憐青雀子飛入鄴城裏作窠猶未成舉頭失鄉里寄書

與婦母好看新婦子。魏孝靜即清河王子。后則神武之女。鄴都宮室未備。即逢禪代。作窠未成之効。孝靜晏駕。文宣以后爲太原長公主。降楊愔。時婁后尚在。故言寄書新婦子。斥后也。

魏孝靜武定中童謠云。百尺高竿。摧折水底。然燈澄滅。高者齊姓。澄文襄名。五年神武晏駕。摧折之應。七年文襄遇害。澄滅之應也。

文宣天保中。陸法和入國書。其屋壁曰。十年天子爲尚可。百日天子急如火。周年天子迭代坐。時文宣享國十年。晏駕。廢帝嗣立。百餘日。替厥位。孝昭即位一年而晏駕。此其效也。明帝武平元年童謠曰。狐截尾。你欲除我。我除你。其年四月隴東王胡長仁謀遣刺客殺和士開。事露。返爲士開譖死。

二年童謠曰。和士開七月三十日。將你向南臺。小兒唱訖。一時拍手云。殺却。至七月二十五日。琅邪王儼執士開送南臺。斬之。

是歲又有童謠

曰七月刈禾傷早九月喫糕正好十月洗蕩
飯窰十一月出却趙老七月士開被誅九月
琅邪王遇害十一月趙
彥深出為西兗州刺史

武平末童謠曰黃花勢欲落清罇但滿酌時

穆后母子邪僻干預朝政時人患之穆后小

字黃花尋逢齊亡欲落之應時鄴中又有童謠曰金作掃帚

玉作把淨掃殿屋迎
西家未幾周師入鄴

周初童謠曰白楊樹頭金雞鳴祇有阿舅無

外甥靜帝隋氏甥既遜位後諸舅彊盛

宣帝與宮人夜中連臂蹋蹄歌曰自知身命

促把燭夜行遊帝即位二年晏駕

隋文帝開皇十年幸并州宴秦孝王及王子

相帝為詩曰紅顏詎幾玉貌須臾一朝花落

白髮難除明年後歲誰有誰無明年子相卒

十八年秦孝王薨

煬帝大業十一年帝自京師如東都至長樂

宮飲酒大醉賦詩卒章曰徒有歸飛心無復

因風力令美人再三吟詠帝泣下霑襟帝因

幸江都作詩曰求歸不得去真成遭箇春鳥

聲爭勸酒。梅花笑殺人。帝以三月被弒。即遭
春之應。是年盜賊蜂起。道路隔絕。帝懼。遂無
還心。復夢二豎子。歌曰。住亦死。去亦死。未若
乘船度江水。由是築宮丹陽。將居焉。未就被殺。
大業中童謠曰。桃李子。鴻鵠遶陽山。宛轉花
林裏。莫浪語。誰道許。其後李密坐楊元感爲
吏所拘。在路逃叛。潛結羣盜。自陽城山來襲
洛口倉。屯兵苑內。莫浪語密也。字文化。及自
號許國。尋亦破滅。誰道許者。蓋驚疑之辭。

唐高宗調露中。欲封嵩山。累草儀注。有事不
行。謠曰。不畏登不得。但恐不得登。三度募兵
馬。傍道打騰騰。帝至山下。以疾還宮。

永徽末。里歌有桑條韋也。女時韋也。樂及神
龍中。韋后用事。鄭愔作桑條歌十篇。

龍朔中。俗中飲酒。令曰。子母去。離連臺。拗倒
俗。謂盃盤爲子母。又名盤爲臺。及中宗廢於
房州之應。時里歌有突厥鹽。及則天遣閻知
微送武延秀使突厥。突厥囚延秀。立知微爲

可汗挾之入寇

則天如意初里歌黃麋云黃麋黃麋草裏藏
彎弓射爾傷後契丹李萬榮叛陷營州則天
令曹仁師王孝傑將兵百萬討之大敗於黃
麋契丹乘勝至趙郡

垂拱已後東都有挈苾兒歌皆奢艷之詞後
張易之兄弟有內嬖易之小字挈苾

憲宗元和中童謠云打麥麥打三三三乃轉
身曰舞了也及武元衡爲盜所害果元和十

年六月三日

洪範政鑒卷第八之上

洪範政鑒卷第八之下

金行下

毛蟲之孽

魯莊公十七年冬多麋劉歆曰毛蟲之孽為災劉向曰麋之言迷也蓋牝獸時莊公將取齊女其象先見天戒若曰勿取齊女邪而迷國莊不寤遂取之夫人既入通於二叔皆誅死謂慶父縊死叔牙殺哀姜幾亡社稷

漢昭帝時昌邑王賀聞人聲曰熊視而見大

熊左右莫見以問龔遂遂曰熊山野之獸來入宮室王獨見之此天戒大王恐宮室將空危亡象也賀不寤後失國

順帝陽嘉元年十月中望都蒲陰狼殺童兒九十七人李固曰臣案京房占君無道害將及人厥災狼食人願覺寤求隱滯狼災息靈帝光和三年正月虎見平樂觀及憲陵齧衛士蔡邕曰政有苛暴則虎食人

晉武帝太康六年南陽獻兩足猛獸此毛蟲



之孽也。識者曰：虎形有虧，金獸失儀，其兆禍也。京房曰：足少者，下不勝任也。干寶曰：獸者陰精，居于陽，金獸也。南陽火名也。金精入火而失其形，王室隳之妖。六水數言水數既極，火慝作，金受其敗。至元康九年，殺太子，距此十四年，二七十四，火始終相乘之數也。自帝受命，至愍懷廢，凡三十五年。

太康七年十一月，四角獸見于河間。王顯以獻，天戒若曰：角兵象，四者四方之象，當有暴兵起於四方。後河間王遂連兵，作為亂階之應。懷帝永嘉五年，蝮鼠出延陵。郭璞曰：此東郡之縣，當有妖人欲稱制者，尋亦死。其後吳興徐馥殺太守袁琇，馥亦滅，是其應也。

成帝咸和六年正月，會州郡秀孝於樂賢堂。有麀見於前，獲之。孫盛以為吉祥。夫秀孝天下彥士，樂賢堂所以樂養賢也。自喪敗以後，風教陵夷，秀孝策試之四科之實，麀興於前，或斯故乎？

哀帝隆和元年十月有塵入東海第百姓謹
言主入東海第及海西廢爲東海王乃入其第
孝武太元十三年四月祠廟畢有兔行廟堂
上天戒若曰兔野物也集宗廟之堂不祥之甚
齊明帝建安四年春當郊宿設已畢夜虎攫
傷之又有鹿入景皇寢廟皆帝晏駕禪代之應
梁武帝中大同元年邵陵王綸在南徐州卧
内方晝有狸鬪櫬上獲之及侯景之亂綸將
兵援臺城至鍾山有螫熊至齧綸所乘馬皆
毛蟲之孽也綸尋爲王僧辯所敗爲魏所殺
武帝時每夜狐鳴闕下數年乃止案占野獸
羣鳴邑中空虛未幾國破死喪略盡
陳後主祥明初狐入牀下捕之不獲未幾國滅
後魏道武登國中河南有虎七頭卧河側三
月去後一年蚍蜉白鹿盡度河北此衛辰滅
亡之應及誅其族悉投河中
孝文太和元年五月有狐截人髮時文明太
后臨朝行不正之罰

明帝興平二年六月又有狐截人髮民相驚時靈太后非道之應

東魏武定三年九月豹入鄴城南門格殺之五年八月豹又上銅爵臺案占野獸入邑及王朝廷若道上官府門有大害君亡是歲東魏敗於玉壁神武遇疾

後齊武成武平二年有兔出廟社之中案占兔入王室其君亡廟者祖宗神室後五歲周師入鄴後主東奔

武平末并隸諸州多狼食人案占狼貪暴之獸大體以白色為主兵之表也又似犬近犬禍也時帝任用小人競為貪暴殘賤人物食人之應尋為周軍所滅

武平中朔州府門外有小兒腳跡又擁土為城雉之狀察之乃狐媚所為漸流至并鄴是歲南安王思起兵北朔直指并州為官軍所敗犬禍

魯襄公十七年宋國人逐獫狁

獫狁也

狂入於華

臣氏

元華臣子華

國人從之。臣懼，遂奔陳。先是，臣

兄閱為宋卿，閱卒，臣使賊殺閱家宰，遂就其

妻。宋平公聞，欲逐之，向戌曰：「大臣不順國之

恥也，不如蓋之。」公迺止。華臣罔暴失義，內不

自安，故犬禍至，以奔亡。

漢高后八年三月，被霸上。

被者，除惡之祭。

還過枳道，

見物如倉狗，檄后掖。

檄，謂拘持也。音戟。

忽不見，卜之。

趙王如意為祟，遂病掖傷而終。先是，后鳩殺

如意，支斷其母戚夫人手足，摧其眼，以為人

彘之報

文帝後五年，齊雍城門外有狗生角。

雍城門名。

先是，帝兄齊悼惠王亡後，帝分齊地立其庶

子七人為王。

齊孝王將闔，濟北王志，菑川王賢，膠東王雄，渠，膠西王卬，濟南

王辟光，并城陽恭王喜。

兄弟並彊，有炕陽心，故犬禍見。

犬守御，角兵象在前而上嚮者也。犬不當生

角，猶諸侯不當舉兵嚮京師也。諸侯不寤，後

六年，吳楚畔，濟南膠西膠東三國應之，舉兵至

齊。齊王猶與城守，三國圍之，會漢破吳楚，因誅

四王故天狗下梁而吳楚攻梁狗生角於齊

京房曰執政失下將害之厥妖狗生角
角君子苟免小人陷之厥妖狗生角

景帝三年二月邯鄲狗與彘交悖惡之氣近
犬豕之禍也時趙王悖惡與吳楚謀逆遣使
匈奴求助兵卒伏其辜犬兵革失衆之占豕
北方匈奴之象逆言失聽交於異類以生害
也京房曰夫婦不嚴厥妖狗與
豕交茲謂反德國有兵革
成帝河平元年長安男子石良劉音相與同
居有如人狀在其室擊之為狗走出去後有

數人被甲持兵弩至良家格擊或死或傷皆
狗也自二月至六月乃止

魏侍中應璩在直廬欵見一白狗出門問衆
人無見者踰年璩卒近犬禍也

吳諸葛恪征淮南歸將朝犬銜引其衣恪曰
犬不欲我行乎還坐有頃復起犬又銜衣乃
令逐犬遂升車入被害

晉武帝太康九年幽州有犬鼻行地三百餘
步時帝不思和嶠之言卒立惠帝以致衰亡

是言不從之罰也

公孫文懿家有犬冠幘絳衣上屋此犬禍也屋元陽高危之地天戒若曰元陽無上偷自尊高狗而冠者也及文懿立為燕王果為魏所滅

京房曰君不正臣欲篡厥妖狗出朝門

惠帝元康中吳郡婁縣人家聞地中有犬聲掘之得雌雄各一還置窟中覆以磨石經宿失所在時帝既衰弱藩王相譖故有犬禍永興元年丹陽內史朱逵家犬生三子皆無

頭後逵為刺史曹武所殺

懷帝永嘉五年吳郡嘉興張林家狗人言云天下人餓死後果有二胡之孽

愍帝建興元年狗與豬交犬兵革之占豕北方匈奴之象逆言失聽異類相交必生害也俄而帝没于胡

元帝太興中吳郡太守張懋聞齋內牀下犬聲求不得既而地自坼見有二犬取而養之皆死懋尋為沈充所害

京房曰讒臣在側則犬生妖

太興四年廬江瀟縣何旭家忽聞地中犬聲掘之得一母犬青釐色狀甚羸瘦走入草中不知所在視其處有二犬一雄一雌哺而養之雌死雄活及長為犬善噬野獸其後旭里中為蠻所沒

安帝隆安初吳郡治下狗常夜吠聚高橋上人家狗有限而吠聲甚衆或有夜覘視之云一狗假有兩三頭皆前向而吠無幾孫恩擾於吳會

隆安中輔國將軍孫無終家于既陽地中聞犬聲尋而地坼有二犬子皆白色一雄一雌取養之皆死無終後為栢靈寶所誅滅

中有犬名曰地狼夏鼎志曰掘地得犬名曰賈此蓋自然之物不應出而為犬禍也

栢靈寶將拜楚王已設拜席靈寶未及出有狗來便其上靈寶性猜暴無敢言者遂狗改席而已天戒若曰靈寶無德叨大位故犬便其席示妄據之甚後八十日靈寶敗

後齊文宣天保四年鄴中頓丘並有犬與女

子交諄惡之氣。炘陽失衆之應也。時帝不恤國政。恩澤不流其國。

後主時犬爲開府儀同。雌者有夫人郡君之號。給兵以奉養。食以梁肉。藉以茵蓐。天奪其心。爵加於犬。近犬禍也。天意若曰。卿士皆類犬。後主不悟。遂以取滅。

後周武成保定三年。有犬生子。鬣已後分爲兩身。二尾。六足。犬猛畜而有爪牙。將士之象也。時宇文護與侯伏侯龍恩有謀。懷貳。犬體

後分之應

隋煬帝大業元年。鴈門百姓聞犬多去其主。群聚於野。形變如狼。而噉噬行人。數年而止。案占犬守禦者也。今去其主。臣下不附之象。形變如狼。狼色白。爲主兵之應。後帝窮兵黷武。勞役不息。天戒若曰。無爲勞役。守禦之臣將叛而爲害。帝不悟。遂起長城之役。續有西域遼東之舉。天下怨叛。及江都之變。並宿衛之臣也。

白眚白祥

漢武帝天漢元年三月天雨白毛三年八月

天雨白毛

顏師古曰毛之彊曲者

京房曰前樂後憂

厥妖天雨羽邪人進賢人逃天雨毛貴人出

走天雨毛

又曰其國大饑

晉武帝泰始八年五月蜀地雨白毛此白祥

也時益州刺史皇甫晏伐汶山胡從事何旅
固諫不從牙門張弘因衆之怨誣晏謀逆害
之三占皆應

惠帝永寧元年齊王固舉義軍軍中有小兒
出襄城繁昌縣年八歲髮體悉白頗能卜蓋
白祥也

成帝咸康初地生毛孫盛曰勞人之異也是
後石季龍滅而中原向化將相皆甘心焉於
是方鎮屢革邊戍仍遷皆擁帶部曲動有萬
數征伐賦役無寧歲天下勞擾百姓疲怨

孝武太元二年五月京都地生毛後四年氐賊
次襄國圍彭城向廣陵征忒仍出兵連年不解

十四年四月京都地生毛時符堅滅後經略多事人勞之應也

安帝元興三年五月江陵地生毛時江陵見龍數交戰之應

義熙十三年三月地生毛明年王旅西討司馬休之明年北埽關洛

梁武帝大同二年地生白毛長二尺先是大發卒築浮山堰功費鉅億功垂就而復潰百姓厭役吁嗟滿道

後齊文宣河清元年九月滄州及長城之下地多生毛或白或黑長四五寸時北築長城內興三臺人苦勞役之應

隋文帝開皇六年七月京師雨毛如髮尾長者三尺餘短者六七寸時關中旱米粟涌貴之應

木沴金

周威烈王二十三年九鼎震

威烈王之諡也

金

震木動之也是時周室衰微刑重而虐號令

不從以亂金氣鼎者宗朝之寶器宗廟將廢
寶鼎將遷故震動也是歲晉三卿韓魏趙篡
晉君而分其地威烈王命以為諸侯天子不
恤同姓而爵其賊臣天下不附後三世秦遂
滅周而取九鼎九鼎之震木沴金失衆甚

漢成帝元延元年正月長安章城門門牡自

亡牡所以下閉者亦以鐵為之非出籥也函谷關次門牡亦自

亡京房曰饑而不損茲謂秦厥災水厥咎牡
亡妖辭曰關動牡飛辟為亡道臣為非厥咎

亂臣謀篡谷永曰章城門通路寢之路函谷
關距山東之險城門關守國之固固將去焉
故牡飛

魏齊王正始末河南尹李勝治聽事有小材
激墮搗受符石彪頭斷之此木沴金也勝後
旬日敗

晉惠帝元康八年五月郊禱壇石中破為二
此木沴金也郊禱者求子之神無故自毀太
子將危之妖明年愍懷廢

孝武太元十年四月謝安出鎮廣陵始發石頭金鼓無故自破此木沴金也天戒若曰安徒揚經略之聲終無其實鉦鼓不用之象月餘以疾薨

梁武帝大同十二年曲阿建陵隧口石騏驎動木沴金也動者遷移之象天戒若曰園陵無主石麟將爲人所徙後國亡

其年送辟邪二于建陵左雙角者至陵所右獨角者將引於車上振躍者三車兩轆俱折因換車未至陵二里又躍者三每一振則車側人莫不聳奮去地三四尺車輪陷入土三寸木沴金也劉向曰失衆心令不行言不從亂金氣也石爲陰臣象臣將爲變之應梁武暮年不以政事爲意唯講佛經談空而已朝綱紊繁令不行言不從之咎

後齊文宣河清四年殿上石自起兩兩相擊眭孟曰石陰類下人象殿上石自起者左右親人離叛之應及周師東伐寵臣尉相願韓

建業之徒皆叛入周

後周明帝建德元年濮陽石像郡官令載向
府將刮取金在道自躍投地者再乃以大繩
縛著車壁又絕繩而下時帝既滅齊又事淮
南征伐疲弊失衆心之應

洪範政鑒卷第八之下



